

DISPUTATIONEM PHYSICAM,
Evolventem Qv.

NUM DÆMON
CUM SAGIS GENE-
RARE POSSIT,

Numine div. favente

In Celeberrima Leucori,

SUB PRÆSIDIO

DN. M. JOHANNIS WOLFII,

Lobej. Sax.

Præceptoris, Fautoris atq; Amici

sui honoratissimi,

Publicæ συµφιλοσοφούντων disquisitioni

d. XVI. Decembr. Anno M DC LXXVI.

submittit

JOHANN. PAULUS REINECCIUS,

Hering - Thuringus,

In Auditorio Vet.

Hor. Antemer.

WITTENBERGÆ,

Typis CHRISTIANI SCHRÖDTERI.



Ummè admirandum est, quod res

naturâ suâ ad interitum vergentes Deus gloriosus generationis beneficio à miserabili illâ liberaverit, labe & clade: Quod vivat Homo in Homine, Brutum in Brutô, frutex in frutice, planta in plantâ, Hoc opus illud est quò omnium aliorum Naturæ operum

admirationem longè superat & Intelligentiam illam non errantem vel digitò monstrat & ostendit, efferimus Verbis B. Sperlingii Physici suò tempore sagac. Instit. Phys. Libr. 6. C. 6. de Generat. & Corrupt. ad Præc. in gen. p. 897. Sed magis adhuc admirandum, imò longè supra admirationem est positum, quod Dæmon Simia Dei & infelicissimus divinorum operum Imitator, dixerim, Contrectator, conspurcator, non erubescat, ea quæ Deus in Natura primò voluit posita locò, hostiliter adgredi &, ultra bestiales, pedibus conculcare spurcissimis, horrendis. Reservavit sibi Naturæ Autor in & cum eâ Generationis opus solus exercere. Sed quo non trahit astutia Diabolum? Præsto est, &, si generationem non pessundare penitus potest, vel conspurcatam saltem dat, vel elumbem atq; ignobilem reddit, jactitans, se cum suis (quod superbus ille Spiritus Sagis potissimum persvadet) respectu generationis, idem posse quod Deus cum Naturâ. Sed quis Physicorum hæc toleraret Verba Thraconica è Strygio flumine eruènta? quis non apertos ipsius lusus & fallacia aperiret Phantasmata? Est proinde agemus breviter & pro ingenii modulò de Quæstione istâ: Num Dæmon cum Sagis verè generare possit? Veræ Generationis promus Condus & unicus Conservator, Deus, gratiosam nobis præstet adfistentiam!

SECT. I. Exhibens Aut. OPIN.

1. **E**xistimant nonnulli Dæmonem verè cum Sagis non tantùm congregari; sed etiam ob surreptum aliunde semen verè cum iis generare non secus ac si Vir cum Muliere congressum habuisset. Paulus scilicet Ghirlandus de Sortileg. qv. 7. n. 12. Bodin. Demonom. l. 2. C. 7. Martinus Delrio Disquis. Mag. l. 2. qv. 15,

2. Alii concludunt ab Effectu ad Causam ita Inferentes; si datur Effectus cum Sagis Dæmoniacus, dabitur procul dubio etiâ

non tantum congressus sed etiam generatio daemoniaca, confundentes cum Congressu generationem. Id non tantum faciunt jam modo citati Autores sed cum iis omnes illi qui Partus monstrosos & Congressu Satánico cum Sagis productos, similes vermibus bufonibus, serpentibus quos Elbow / l. böse Dinger vocant, veros partus esse provenientes à verà generatione inter Sagas & Daemonem intercedente.

3. Alii etsi verum semen in & ex suâ naturâ Daemonem non habere admittant; Refugiunt tamen ad illud in Corpore adsumptæ, cumque id vel defuncti Corpus, vel conflatum ex aëre & aliis vaporibus esse possit. Dicunt quæ prius posse ex substantia adsumpti cadaveris semen relictum ex fugere. *quæ sententia est Petri Paludani & Martini Arelatensis citante Nic Remigio Daemonolatr. L. 1. C. 6. p. 24.* Quæ posteriùs verò posse vel succubum agere, & semen à Viro Incubò communicatum recipere, vel illud oppositis multis speciebus phantasticis, à Viro prolicere prole tumq; fecundum retinere idque prolificum in alvum sive locum foemineum, eò tempore, quò scit eam ad concipiendum esse aptissimam, inferre & sic generare, utut non per Semen tanquam quandam Daemonis partem, tamen, per semen aliunde surreptum. *Hinc nonnulli istiusmodi generationis Causam Daemonem non tam faciunt causam principalem quàm Instrumentalem, vel rectiùs non tam causam physicam quàm Moralem. Autores pro hac sententia, non citabo omnes, sufficiat unicus Roder. de Arriag. Diss. 1. de Generat. Sect. 4. n. 41. p. 369. & n. 48 p. 370. Ubi admittit illos esse eorum filios à quibus semen, à Diabolo susceptum, est decisum.*

4. Alii verò (ut tempus citandis sententiis non nimium absumam) veram generationem Daemoni cum Sagis factam planè denegant. In Hic vero sententia scinduntur in duas partes (a) Alii ita insciantur Generationem Daemonis, ut etiam nullum ipsius cum Sagis congressum autument. *Conf. potiss. l. c. Remig. & plures alios.* (b) Reliqui verò admittendò verum (licet non rarò etiam detur phantasticus.) Daemoni congressum, negant tamen veram ab ipso causatam generationem, è quibus est August. L. 15. de Civ. D. C. 15. Damasc. L. 2. de fide C. 3. B. Lutherus ad C. 6. Genes. & in Sermonibus Mens. Tit de Diabolo ejusq; operibus, cujus verba sufficiat jam citasse quando inquit; *Wie werden aber die Kinder gezeuget; darauff sage ich also/*

also/ daß diese Söhne sind auch Teuffel gewesen/ haben solche Laster
 gehabt wie die Mütter. Es ist warlich ein greulich/ schrecklich Exem-
 pel/ daß der Satan die Leute so kan plagen/ daß er auch Kinder zeu-
 get. Also ist auch mit dem Teuffel in Wasser/ der die Menschen zu
 ihm hinein zeucht/ als Jungfrauen und Mägde/ mit solchen er dar-
 nach zühält/ und Teuffels-Kinder zeugt/ *rc.* paulò post dicit *Q*ue
 gebraucht/ der Menschen zur Schöpfung als ein Mittel/ und durch
 dieselbe wirket Er allein / und nicht durch den Teuffel/ darum so
 müssen gestohlene Kinder seyn/ wie denn der Teuffel wol Kinder
 stehlen kan/ wie man bißweilen Kinder in 6. Wochen verleuret/ oder
 müssen Suppositi seyn/ Wechsel-Kinder/ die denn die Sachsen Kiel-
 Kröpffe nennen/ *rc.* *Conf. etiam pro hac sententiâ B. Carpzov. in*
Pr. Cr. P. 1. qv. 49. num. 39. & qv. 50. n. 66 B. Sperlingium & cum eo Sa-
niores alios, quorum sententiâ & nos moti firmis rationibus, insistimus.

SECTION II exhibens Termin. EXPOSIT.

1. **E**X ipso quæsito & præmissâ Autorum opinione quilibet haut
 difficulter colligit nos non de Dæmone agere, prout spiritualis
 ipsius natura corpori adsumto excl. opponitur; Sed prout Corpus
 adsumtum simul includit. estq; ipsius Actus externus sive Forma adsi-
 stens habens se ad id, ratione unionis, ut movens ad rem mobilem.
 Neq; enim de priori ullâ inter diversos Autores orta est quæstio, nec
 dubium ortum nec motæ lites. De posteriori vero multos
 maxima occuparunt dubia, queis ut obviam aliquantulum eamus,
 præsentem tractationem instituimus.

2. Hic verò triplex statim non planè exterminanda Quæstio, tùm,
An adsumat Dæmon, tùm quæle, tùm quomodo idẽ adsumere possit. Pro
 prioris sententiâ affirmativâ id satis Argumenti esse ex sumo, quod
Dæmones homines agitantes (sive in Corpore humano sive Beluino,
 quod & humanum non rarò fingere potest Dæmon ut Experientia
 constat, sub corpore picæ ipsum se exhibuisse, dulcem Amasium for-
 mosissimo Juvini haut ab similem, nobis eodem res redit) *apparue-*
runt in Corporibus, aliàs nec palpari nec tangi potuissent; Jam verò
 Dæmoni non per essentiam, cum sit Spiritus, Corpus competit. E-
 per adsumtionis gratiam, quicquid alii hîc fortè in contrarium af-
 ferant. Media verò quæstio paulò videtur esse difficilior ob diver-
 sarum sententiarum multitudinem. Interim tamen remotivè dici-

mus quod Dæmon non adsumat (a) *Corpus ex materiâ & formâ
cœlesti ab ipso fabricatum & creatum*, impossibile planè Diabolum
fieri creatorem, quod nonnisi infinito adscribi potest Deo, contra
Isidorum & Bedam. (b) *Corpus ex materiâ novâ, quanquam de cæ-
tero ejusdem cum materiâ Corporum humanorum sit nature, produ-
ctum*, quam sententiam Isidoro fuisse credimus. Hinc (c) *Nec
Corpus perfectè mixtum*, id enim debet loco causæ efficientis veram
formam informantem habere, quam Dæmonem perperam aliquis
efficeret. *Assertivè verò statuimus quod Corpus à Diabolo adsum-
tum possit esse, vel defuncti alicujus Cadaver* (quanquam hîc non o-
mnis absit difficultas. Nam Diabolus sæpe in tali apparet Corpore
quod non putredinem modò; sed ipsam etiam cinerfactionem
non rarò admisit & in suâ minima est resolutum. Jam verò im-
possibile planè est Dæmoni reproducere idem numero vel etiam
specie Corpus idq; movere, ut jam nihil de eâ moveam difficultate,
quomodò dæmon recens defuncta Corpora è sepulcris admodum
onustis & terrâ lapidibusq; obfirmatis, absq; illorum aperitione,
possit extrahere eaq; movere) *vel Forma Cadaver alicujus defuncti
vel viventis quodq; referens eamq; juxta probabilissimam opinionem
compactam ex aere, non spectato ratione essentia, sed existentia & in
statu impuro prout exhalationes & vapores nubium vel aquæ ei-
dem conjuncti sunt*, aliàs enim, si nimis crassum, ex crassâ materiâ
constitutum esset Corpus, non posset facilè ex hominum sensibus sub-
duci. Neq; verò dum istiusmodi Corpus Diabolus fabricat, id vel
generando vel creando producit, solum enim aërem dispersum con-
gregat, ejusq; partes unit & cum vaporibus aqueis conjungit, *rectè
animadvertente Vasquez. Part. 1. Diss. 148.* Hinc etiam fabri-
cata illa Corpora propriè non sunt organica ut rectè nobiscum cen-
set *Gisbertus Voëtius*, quæ prolixius non licet explicare. Tertia verò
quæstio facilimè resolvitur. Distinguas modo *inter actum Unionis,
sive rectius Unionem & Statum Unionis sive Unionem formaliter ita
dictam*. Si quæris de priori, consistit assumptio corporis in potentiâ
uniendi unius, cum altero. Si de posteriori absolvitur in actuali U-
nitione, eaq; non essentiali naturali & internâ, sed extra essentiali
præter naturali & *ὑπερφυσικῇ*, eâ scilicet quam habet forma adsi-
stens ad aliquam rem, vel Motor ad rem mobilem. Cur singula
hæc paucis exposuerimus docebit progressus.

3. Obs. nos in hac quæstione, paulò aliter ut in illà. Num Dæmones cum Sagis congregiantur? Sagas accipere, *scilicet in oppositione ad magos & consequenter in sensu exclusivò.* Neq; enim unquam Diabolum Viro succubum cum Viro ut cum eo fœmina, generasse & fœtum peperisse, aliquem statuisse, recordari possumus. Itaq; nec quæstio h. c. esse potest de Dæmone Succubo, semen suffurante, sed incubò semen surreptum, succubæ Sagæ, quam exercere Viri nunquam possunt communicante. De hoc quærimus num verè cum Sagà, non vero cum Mago quodam generet.

4. Jam quod attinet Vocem generationis. Sumitur illa vel *proprie vel improprie. Improprie vel latissime, p. pro omni productione ex nihilo vel etiam pro productione ex materia inhabili,* quo sensu Creatio & mediata & immediata Generatio dici possunt: part. *pro productione Artefactorum,* quæ hoc sensu & genita dici possunt p. *pro generatione æquivocà, p. pro generatione accidentium,* ita meteora communiter generata esse dicuntur quæ sunt effluviorum Affectiones & accidentia. *Vel latè pro productione rei ex Subjecto ab quo quàm acceptionem explicat Rod. de Arr. c. l. p. 364 & sic opponitur quidem Creationi potissimum primæ, non tamen secundæ & Artefactis.* *Proprie accipitur vel pro generatione ut sic,* præscindente à qualibet alià sive naturalis fuerit sive supernaturalis, & tunc describitur *quod sit communicatio essentia,* præscindendo à communicationis modo, an scilicet fiat per veram quandam atq; realem actionem an non. An fiat communicatio vel κατὰ διανοήσιν vel κατὰ μέτρας, vel secundum istius numero essentia identificationem. *Vel pro generatione determinatà eaq; finitā,* quæ vel est Corporum viventium vel non viventium. Hic loci accipimus generationem finitam eamq; ad Viventia Corpora restrictam.

5. Paucis jam præsupponimus (missis tantisper speciosissimis Scholasticorum tricis quæ s. præsentem doctrinam conspurcare non verentur) in Scholis nostris receptam & satis sufficientem Generationis definitionem. *Est ea Actio Corporis N. missi quæ sibi simile producit ex vel mediante semine ut perpetua specierum conservatio constet.*

6. Hujus Definitionis ad meliorem notitiam examinabimus *Causas, i.) Efficientem* Ad quam non trahemus *Universalem primam*
Deum

Deum, qui generationem naturæ & concessit & hucusq; conserva-
vit suumq; coinfluxum ei præstat: *Nec universales secundas, Cœ-
lum stellas & Astra (siquidem non putamus, etiam si Diabolus pos-
set generare, Deum cum ipso coinfluere vel ad coinfluxum Astra
dirigere) Sed Efficienti stabimus proxima, quæ in Desinit. est Corpus
Naturale, puta constans ex materia & forma naturaliter sive essen-
tialiter unitis & Ens aliquod per se constituentibus. Hoc corpus na-
turale debet esse mixtum, mixtione videlicet quæ est miscibilium in mi-
nima divisorum unio à formâ specificâ facta. Ubi notabis non quam-
libet compactionem unius vel alterius Elementi facere veram mi-
xtionem, neq; etiam genuinam mixtionem è solis Elementis fieri pos-
se quod plerique Scholasticorum opinantur. Corpus humanum
non immediate ex quatuor Elementis sed ex semine producitur,
Semen autem è Sanguine, Sanguis è Chylo, Chylus è Cibo & potu,
Cibus & potus è Plantis & Animalibus. In quibus certè non nuda
Elementa dantur sed principia etiam chymica censemus rectè cum
B. nostro Sperlingio Instit. L. 6. C. 1. q. 4. p. 893. Hæc quæ Efficientem.
2.) Materiam & quidem hîc tantum ex Quâ, quæ vel Remota nim.
Cibus & potus in chylum mutatus, vel Propinqua, Sanguis è chylo
primum ab hepate formatus. Proxima Sanguis à fero purgatus &
dealbatus atq; in vasis seminalibus retentus, qui communi nomine
dicitur semen, idq; non infœcundum aut expers formæ (accipio e-
nim in ipsâ generatione) sed fœcundum atq; prolificum.*

3. Formam, quæ est Actio Corporis naturalis &, si formaliter spe-
ctatur, instantanea non successiva, physica non moralis, proveniens, si
generationem profectam ab influxu sociali spectas & manentem in eâ-
dem specie, ab agente duplici destituta quidem unitate numerisâ, nun-
quam specificâ, nunquam causativâ. &c. 4.) Finem. Et quidem
inter medius hîc loci est felix Specierum conservatio, utut enim
continuo subiecta specierum intereant atq; corrumpantur, Speci-
es tamen hîc usq; nulla, vi generationis, ubi Corpora sese ad inte-
ritum vergunt, interitum est passa *Ultimus est gloria Dei.* Quando e-
nim generatio exercetur divinum mandatum atq; præceptum exple-
tur, hoc expleto Nomen etiam divinum celebratur atq; glorificatur.

S. 7. Cum materia generationis Proxima, intellige semen, ve-
ram potissimum, si est prolificum & facundum, (reliquas hîc causas
non

non sequestro) generationem efficiat & deinde loco Argumenti nobis esse possit, paucis & hujus supponemus causas (1) Efficiens eaq; Remotissima scilicet Deus, Cælum & Astra Remota totū Corpus generans. Proxima, Forma (loquor de generatione viventium) potentia vegetativā instructa, eaq; in & cum suis facultatibus primariis Altrice, Audtrice & procreatrice, quæ inserviunt secundarie, Attractrix potissimum, Retentrix & concoctrix, ad quas indivisibili sexu calor tū naturalis tū influens requiritur. (2) Materia hic potissimum venit consideranda in quā & ex quā. Materia in quā sive subiectum i. ut quod totum generans est; vel ut quo, idque varium, Remotum est Arteria vocata communiter præparans per quā demittitur materia seminis ad Testium Parenchyma in quod prorsus terminatur & sunt testiculi viriles nihil aliud quā convolutio vel conglomeratio vasorum spermaticorum in hisq; plexibus Testium separatur serum a sanguine. Prope nam sunt Epididymides, quæ sunt Vas seminale continuatum incumbens extremitati testiculorum, ex his decurrit in Vas Pyramidale, ex alterā Parte in Parastatas, vel Corpus varicosum, usq; dum excurrat in Vas deferens. Proximum sunt vesiculae seminales, vel juxta quosdam corpus glandulosum, in quod à vase deferente semen defertur, & alias vocant Prostatas, quæ cum vehiculis feminalibus hiant in Urethræ foramen, quod Valvulam munitum, ne semen in voluntariè effluat. In his partialibus Subjectis melius atq; melius semper materia seminis elaboratur, ac elaboratum demum in aliquo reservatur. *Materia ex Quā*, non est excrementum quia non animetur animo, ut censent plurimū cholasticorum cum Roder. de Arriaga cit. l. p. 272. Sed Proxima, Remotissimam enim & Remotam, Alimenta, adfunctionem chylicationem &c. mitto, est Sanguis, isq; non totus nec impurus, sed nobilissima istius pars & tanta quanta ad semen natura destinat, purificata & diluta in certis vasis à sero & aliis ad semen non facientibus. Conf. Pauli Ammanni Paræn. C. 4. de Animæ Fac. n. 4. p. 7. (3) Forma Seminis (loquor de eo prout generationi substernitur) est vel interna & informans, ipsa videlicet Anima, καὶ ἀνοπώσιν femini ab animā generantis communicata, illucq; per nervos spiritus vitales & Animales, ad id fecundandum, derivantur; vel Externa, quæ est Corpus calidum, humidum, spirituosum, album, extra sua vasa spiritus vitales statim amittens cum sint maximè volatiles. (4) Finis proprius est partim generationis felix absolutio, partim similis per id productio p. Nominis divini celebratio. De definitione & applicatione ad præsens negotium quilibet ipse viderit.

8. Jam dist. inter generationem inchoatam seu imperfectam eamq; congressui

gressui, quem concedimus, contradistinctam; & consummatam seu perfectam. Illa est actio, quâ formâ mediante aliquâ suâ speciei materiâ producitur. Hæc est actio quâ totum compositum cum omnibus suis partibus producitur. Sive dist. int. generationis Terminum proximum, qui forma est, & ultimum, qui compositum totum. Quær. de utroq; in eo enim conveniunt, quod antequam aliquid produci possit, utriusq; Agentis Semen prolificum conjungi legitime debeat.

9. Hæc quâ terminos simplices. Jam ad totam quæsitâ Connexionem dist. inter generationem intercedentem inter Dæmonem & Sagas imaginariam ac fictam; & inter veram atq; realem. Illam respectu Sagarum opinionis concedimus; Non hanc. Nimirum longo experientiæ usu nondû Saga quædam est inventa cui imprægnatio contigisset, absq; humano congressu, solo Dæmonis obscæno tremendoq; complexu interveniente. Quod hic Bodinus in Mag. Dæmon. L. 2. C. 7. de interrogatione Sagarum à Dæmone factâ respectu imprægnationis urget, nolo allegare.

10. Hinc ulterius dist. inter tò Implere Corpus Sagarum multis atq; variis tum oribus & inter tò imprægnari verè Corpus ipsâ profectum à Dæmone. Quâ illud (quod etiam ex parte non raro Virginibus usa venit) potest Dæmon efficere ut credant Sagæ sese imprægnatas esse. Ubi verò tempus partu edendo appropinquat, aut Obstetricis munia obit, aut infantes aliis surripit, aut laborantibus subjicit, aut etiam Diabolus seipsum sub formâ infantum supponit. Quid enim Cambiones aliud sunt, quam lusus Diabolici sive ipse Diabolus in adsumto istiusmodi Corpore, alias aliis infantibus non essent graviores, non magis macilenti, qui ne tribus quidem aut quatuor Nutricum rumis exsuctis implentur, sed tandem evanescent. Ne verò aliquis dubitet, num possit Diabolus sub formâ infantis se sistere, allegabo ex Delr. Disq. s. L. 2. q. 5. Historiam de puero quem per Galliciam & Austriam Hispaniæ ante annos non adeò multos Mendicus quidâ summa cum defatigatione humeris bajulabat: Cum quidam è Delrionis Comitibus eum itinere repertum prope flumen ut transvaderet, misericordiâ motus, retrò se in jumentum suscepisset, vix valida bestia eum potuit in alteram ripam exponere. Paulo post mendicus deprehensus fassus est, eum Puerum non Puerum se à Diabolum fuisse, qui sibi promississet, omnes se ad eleemosynas ei conferendas plecteturum, quamdiu sic circumferretur habitu morbofi pueri & fastiis involuti. Hoc verò scilicet verè imprægnari non potest.

11. Hinc etiam est, quod, et ampli partus nonnulli fictitii à Sagis proveniunt, pleriq; tamen eorum nunquam formam genuinam hominis sed Bufoni-

sanibus, vermibus atq; erucis similem retulerint, quod ex propria Confessione refert Carpzov. l. c. Qv. 50. in Sent. Lips. 21, 23, 24, 26, 29, 35. Ubi omnes iisdem ferme circumstantiis fallax wann sie mit ihren Buhlen zuschaffen gehabt/ hätten sie weisse Elben bekommen so gelebet/ spizige Schnabel und schwarze Köpffe gehabt &c. Quis verò hos effectus veros ab homine simul provenientes & non potius diabolicos dixerit, idem *judicandū de infantibus Supposititiis*, quos appellant Rieselköpffe. De cæterò si suffurantur obstetricibus, veros quidem eos effectus esse putamus, sed tunc nec Dæmonis nec Sagar effectus sunt, verum mulieris hujusq; Viri, cui subducuntur.

12. Reliqua cum ob Chartæ penuriam superaddere nequeamus, sed conflictui reservemus publico, paucis saltem adhuc præsupponimus (a) Nullam generationem, de quâ loquimur, veram, posse fieri absq; verò semine atq; prolifico (b) Corpus à Damone adsumtū non esse verum Corpus mixtū, & consequenter nec ex se verum semen habere, nec aliundè sublatum fecundum ob caloris absentiam retineri posse. (c) Semen extrã Vasa sua emissum & non statim in locum genuinum muliebrem immissum statim Spiritus Animales, calorem & consequenter ipsam formam amittere. (d) Dæmonē se cum Corpore unire non ut forma informans sed adstans. (e) Dæmonem phantasiā Sagarū vel maximè corrumpere posse. (f) Ut ea quæ in totâ Exegesi attulimus reticeam; Non omnem Sagarum confessionem pro certâ esse habendam, nec effectum quemcunq; esse veram Dæmonis Sagarumq; progeniem.

SECTIO III. proponens QUESITUM:

Q. 1.

Dæmon cum Sagis non potest generare.

KATA 9.

1. **E**X Defectu veri Corporis Naturalis. Dæmon non habet Corpus verum, naturale, vivum, mixtum. E. (cum Sagis) non potest generare. Maj. prob. Generatio est Actio Corporis N. mixti. O. Actio Corpori N. præsupponit vitam. Vita non competit Dæmoni. E. nec Generatio competit Dæmoni. Min. p. supra fuit ostensa, p. ulterius demonstratur 2. non habet veras Corporis N. affectiones, veras operationes vitales miscibiliumq; cunctorum formalem Copulationem, illud non habet verum Corpus naturale &c. Atqui Dæmon E. Min. ex hucusque dictis per se patet. Maj. legitimè concludit ab Actu secundo ad primum. (2) Ex Absentiâ Materie Generationis, veri sc. Seminis. Ubicunq; datur verum semen (reliquis ponendis positis) ibi etiam datur vera generatio. In Dæmone non datur verum semen E. Maj. patet ex

p ræsupp. i. in Not. x. Min. (1) *Ibi datur verum semen ubi datur vera nutritio.*
In Damone non datur vera Nutritio. E. Maj. licet satis clara, probari tn. ex
 ipso Aristotele potest, quia omne generativum supponit vegetativum hu-
 jusq. potissimam in hoc passu facultatem, Nutritionem L. 2. de An. C. 4. T. 26.
 Excipis Damon in Corpore verè comedit & bibit. E. etiam nutritur. R. con-
 cedendo prius, secus ac facit Thomas P. 1. Q. 51. Art. 3. & cum eo Gisbertus
 Voëtius, qui ad comestionem veram tria requirit, Masticationē, cibi, in sto-
 machum injectionem, & concoctionem s. digestionem. Cum itaq; ultimum
 potiss. requisitum absit, negat Comestionem veram; negamus posterius.
 Nulla hic est Consequentia, quia Conversio Cibi in substantiam Comeden-
 tis & inde orta nutritio non pertinet ad formalem rationem Comestionis.
 Egroti procul dubio verè comedunt, licet vel maximè Cibus ne per qua-
 drantem horulæ apud se retineant. Kanos & paucos & atreos laborantes
 strenuè edunt, non tamen Cibus, utpote non digestus satis in substantiam
 suā convertunt. Hinc Form. Ratio comestionis consistit in trajectione ci-
 bi in Corpus, non vero in concoctione & digestionem. Ex quo patet non omne
 statim; quod comedit, nutriri. (2) *Ibi demum verum & prolificum est se-
 men, ubi ex utraq. parte Agens est liberum consensumq. habet liberum* (op-
 positum non determinatè necessario, sed potissimum coacto) & potentia
 vegetandi est instructum. Neutrum verò obtinet in fictâ generatione
 Dæmonis cum Sagis. E. Non posterius quod per se patet. Nec prius p.
 quia id constat ex nullitate generationis in hum. si altera pars non con-
 sentit; parum ex experientiâ, testantur enim Sagæ sic Dæmonibus suis
 comparata esse quæ putantur virilia, ut sine sensu maximo doloris præ-
 vastitate rigoreque nimio admitti non possint Conf. Remig. Damon.
 L. 1. C. 6. p. 27. tantum E. ab eis consentiat Congressu Diabol. Saga, ut po-
 tius vel maximè repugnet. (3.) *Ibi verum Semen est ubi sunt vera & natu-
 ralia vasa seminata verumq. Membrum genitale.* In Damone neutrum est.
 E. Maj. constat, quia semen etiam si de cæterò prolificum sit, extra naturalia
 sua loca constitutum statim Spiritus vitales deperdit. Min. prob. quâ po-
 sterius. Quia non habet verum Corpus N. E. nec vera & naturalia Vasa se-
 minalia. Quâ posterius ex Confessione Sagarum propriâ, quam vide sis
 apud Autores cit. (4) *Ibi verum semen est, ubi datur verum Corpus Or-
 ganicū.* In Damone non E. Dicis hic esse neg. Minorem, quia Dæmon possit
 congregari. E. R (a) præsupponenda varia Corporis Organici acceptio.
 Potest n. significare (a) tale corpus quod exclusâ verâ aliquâ miscibilium
 commixtione à formâ intrins. proveniente, compactum est ex unâ potissi-
 mum

mum materiâ simpliciter impurâ, referens quidem imaginem verarum
 partium organicarum, quæ tamen genuinâ dispositione & actibus vitali-
 bus destituntur. (b) Corpus cum variis Accidentibus & disposit. in diver-
 sis materiæ partibus, quo sensu competit rebus propriè non viventibus
 v.g. lapidi. (c) Dispositiones proximas & immediatas ad vitam ratione A-
 ctus i. informationem verò materiæ legitimè dispositæ & perfectè mixtæ
 provenientes ab Anima, ratione Actus 2. Conf. Roder. de Arriag. C. Ph.
 Disp. 1. de An. Sect. 1. n. 9. p. 424. Ultima acceptio est h. l. (2. Jam dici-
 mus neg. Consequentiam. Quia ad eum sufficit Corpus org. primò sen-
 su acceptum, quod est impropriè tale; Nec aliqualis similitudo potest sol-
 vere negotium. Vid. Con. Li Arist. de G. q. 1. Art. 7. p. 72. (5.) ut reliqua re-
 ticeam, *ibi verum semen est; ubi ob Individuorum decadentiam, sui similis ad
 speciei conservationem, obtinet productio.* In Dæmone non E. Min. facili-
 constat, quia Spiritus fin. à parte post sunt æterni Maj. prob. quia illi
 tantum Naturæ quæ naturaliter aliquando ad interitum vergit, Sapien-
 tia divina tale medium constituit, quo possit se, si non ab individuorum,
 tamen à Specierum corruptione liberare. Dicis, his probatur saltem quod
 Dæmon non habeat verum semen per Naturam, quod concedo, poterit
 tamen illud habere furto sublatum aliis. R. prius concedimus, quid verò
 de posteriori sit habendum mox in ©. 2. videbimus. 3. Ab Absurdo. Si
 Dæmon cum Sagis verè generat, (a) Verus erit Pater, Conjux atq; Maritus
 (b) Deus eidem co influxum præstabit. (c) Corpus non-org. organicas edet
 operat. &c. Sed posterius est falsum E.

©. II.

*Dæmon etiam cum Sagis non potest generare per Semen
 aliundè surreptū. Contra Ghirlandum Bod. Conimbr. &c.*

KATA S.

SI per Semen aliundè sublatum Dæmon cum Sagis generat tunc Se-
 men istud debet esse (a) Prolificum, Spiritus vitales continens. (2) Cal-
 dum. (3) ut reliqua non tangamus, Animatum. Sed falsum est poste-
 rius E. & prius. Consequentiam Majoris ex supra dictis in confessis esse
 puto. Minoris i. Membrum utpote satis clarum illustro (a) quia Semen
 surreptum est extra sua naturalia vasa, undè vis prolifica & πλάσιν ob
 spirituositatem & volabil. facile expirat. (b) Verbis Carpzov. c. 1. Q. 49.
 n. 35. p. 323. Ubi inquit Ex Satânico congressu ne quidem ex alterius semine,
 quo Dæmon fortè abutitur Prolem nasci posse; facile concesserim. Neg. enim

*semen à Diabolo aliunde acceptum extra naturalia sua receptacula vini vi-
talem retinere potest. Nec item semen prolificum à Damone tantâ celeri-
tate perfertur, ne id in via Spiritum vitalem & calorem, sine quo tamen
nulla procreandi facultas, amittat, unde licet vel maximè eo momento quo
Mulier ad concipiendum maximè est disposita, illud muliebri semini com-
misceat, nulla tamen gignendi causa esse potest, qui plura desiderat ad gredia-
tur Remig. Demon. l. c. per Caput integrum. M. prob. ex Constanti omnium
Sagaram confessione quam cum radio nolo citare Conf. post Re-
mig. jam modo cit. Viderum in præst. Demon, L. 3 p. 311. Equibus nuga Thomæ
n 2. dist. 8. qu. 1. Art. 4. dum recurrit ad temperiem à Damone suscitata, per
quam virtus generandi latens in semine viri possit conservari & sic eo inter-
veniente factum cum Saga producere, facile corruunt consule Conimbr. In
Lib. 1. Arist. de Gener. & corr. C. 4. qu. 10. Art. 3. p. 100. Ut enim jam (a) de eo,
an semini viri scersim spectato completa ad generandum potentia insit,
nihil dicam. Certè (b) si hoc fieri posset, quàm fecunda monstrorum Ma-
ter tam longo tempore extitisset humanum genus, semine ex feris & bestiis,
permutato, translatoq; ab incubo Dæmone & Mulieris sinui infuso; dis-
serente eruditè wiero l. c. Exciperet fortè quis (1) semen etiam si sit constitu-
tum aliquantisper extra loca sua naturalia & non sit calidum, tamen ex eo
posse aliquid generari censente Alberto Scholiasta L. de Form. Hom. C. 1. què
expresse dicat: Si semen emissum ad terram poneretur ad matricem, possi-
bile esse quod conciperet, & sæpius contingere, quod in Balneo, ubi vir
sperma emittit, muliere præsentem, ipsa tanquam in coitu concipiat. Sed ô
vanæ mentis vanissima somnia, nugamenta, deliria, non opus est vel quic-
quam adhuc loco responsi velle adferre, cum absurditate suâ seipsa statim
jugulent. (2) Dæmonem posse etiam certa receptacula habere prioribus è
quibus est excisum correspondentia exactè, & sic in iis semen fecundum con-
servare. R (a) Hoc quidem facilius dicitur quam adstruitur. Dæmon enim
cum non habeat verum corpus mixtum, nec vera corporis mixti vasa ha-
bebit. (b) quomodo E. in eis semen fecundum conservabit? Reliqua mitto.
Excipis, ad minimum tamen impedire poterit, quò minus Spiritus vitales &
calor exhalent, per calorem alium scilicet solarem influentem. R & hoc nega-
mus, quamvis enim calor influens possit impedire, quò minus exhalet ca-
lor è semine dum est in suis genuinis vasis & Corpore N. (positis aliis ad
huc necessariis requisitis) non tamen id præstare potest in semine extra va-
sa constituto. (3) Dæmonem posse ad minimum suscitare semen Saga semine
immi-*

*inmixto & sic prolificum reddere vel saltem prolificum fieri, cum dicto com-
 mixtum posse. R. imo potius invertore & dicerem, Semen istius modi inmix-
 tum non suscitare semen mulieris prolificum, sed potius illud destruere. 3.
 M. prob. (1) Q. Nec ante congressum nec in congressu viri incubi cum Da-
 mone succubo est Animatum, illud nec post congressum in Damone erit ani-
 matum. Atqui semen viri communicatum Damoni. Major est extra con-
 troversiam, Min. prob. (a) quia Deus non determinate Viri semini
 sed viri & mulieris simul benedictionem multiplicativam secun-
 dum speciem addidit. (b) quia Semen ante & in generatione, nisi conjun-
 gatur cum alio semine est & manet pars hominis, vel cum eo conjuncta
 vel disjuncta. Si conjuncta, est animatum per Animam totius, si disi-
 ciat totius deperdit novam autem non accipit, quia est & manet quid incom-
 pletum. (2) Ex prioribus M. quia nec prolificum est nec spiritus vitales habet,
 qui sunt Animæ vehiculum. Reliqua Argumenta jam linquo.*

©. III.

*Partus s. rectius Effectus monstrosi quos vocant, Elben/
 Dose Dinger & Cambiones, non à generatione intercedente inter
 Demonem & Sagas proveniunt, sed à Damone tantum efforman-
 tur & ab ipso moventur. Contra jam modo citatos.*

KATA S.

I. Membr. prob. (a) indirecte; quia hic omnis exulat generatio Ergo & Ejus
 Effectus, quia sublata causa destruitur effectus inferi (b) directe, quia
 istiusmodi effectus nec referunt formam hominis nec Damonis, nec utriusq;
 simul, etiamsi etiam quandam ingens mixturam. Non illius, quod per se patet;
 Nec istius (nisi admittas infantes supposititios aliis sublatis) quoniam nec ejus
 formam habent, nec materiam, nec effectus naturales. Nec hujus, quia hæc duæ
 naturæ planè sunt incompatibiles: Urges: Cambiones omnino referre non raro for-
 mam Matris vel infantis alius. Ergo R. (a) sit ita, sed anne tunc statim à Matre
 sunt geniti. Demon potest producere & adsumere corpus alterius corpori simile.
 Ergone per generationem (b) aut intelliguntur per Cambiones infantes supposi-
 titii aliunde surrepti, aut noviter efformati. Illos quidem formam Matris, cui
 supponuntur, referre posse concedo, sed quid hoc facit ad rem. Ergone proveni-
 unt à generatione Damonis & Sagæ. Hos verò genitos esse formamq; Matris ti-
 tramq; int. & ext. referre, nego (c) & quamvis non raro etiam posteriori sensu
 accepti formam saltem externam referant, non tamen exinde illius statim sunt
 effectus per partum editi, tum quia Demon ex eâ materiâ ex qua ipse constat
 ipsos potest producere, tum quia eam, quam vult eidem formam non nequit im-
 primere, quò eo melius Sagæ in opinione fallantur.

2. M. prob. (a) Quia Demon ante partum istiusmodi fetus monstrosos quos Elben
 vocant, adducit, E. eos prius efformabit. Potest itaq; nonnullos in uterum immit-
 tere,

¶ e, qui deinde numero se multiplicare possunt. Conf. Carpz. c. l. q. 50. Sect. 21. Ubi ex Diabolico ore eructavit tale materiam è quâ Elben vel bôse Dinger producti. (b) Quia effectus eius modi venenati, nocivi ac diabolici sunt & ratione constitutionis & ratione resolutionis E. unice à Diabolo ex tali materia venenatâ, quæ Mulieris esse non potest, nisi fortè & particulâ quandam ad eam adsumat, producuntur. Ratione prioris, quia inferuntur carnî & Brachiis hominum, ut iis attrahatur nocumentum. Ratione huius, quia Resoluti & terræ de mandati transgredientes læsere. (c) Quia effectus istius modi pleriq; moventur, non verò semper per formâ informantem. E. per adstantem, quæ est Diabolus. Et de Cambionibus quidè proprè dictis nullum est dubium, de effectibus verò bufonibus & serpentibus similibus videtur maioris. Sed esto, habeant & hi quandam formam, extrinsecus tamen moventè Dæmonē, ob Dæmoniacos effectus non excludunt. Conf. eund. Carpz. Remig. & alios.

©. IV.

Imo Dæmon ne quidem istorum Effectuum, ut per generationem producti esse debent, causa Moralis est. Contra Con. & alios.

Kata 9.

R. Q Via nulla planè datur generatio terminativè spectata inter Dæmonem & Sagas, nullus ex eâ verus proveniens effectus. Quomodo E. utriusq; erit causa moralis, cum nulla fermè causa sit. Negato genere negatur species. 2. Quia hunc effectum à Diabolo genitum esse (verà generat.) iudiciò prudentum eidem non tribuitur. (3) Quia, etiam si non rarò istiusmodi effectus monstrosus, existat Sualor ac hortator, non tamen effectus ille est in potentia causæ physicae. E. Excipis (a) Dæmon tamen applicat agens ad patiens sciendo scilicet opportunum concipiendi tempus, ubi celeritate quadam advolat & sublatum semen applicat. R. (a) Quamvis Dæmon videatur applicare agens ad patiens, nullus tamen sequitur effectus. (b) quamvis Dæmon sciat concipiendi opportunum tempus, non tamen semen ita prolificum retinere potest, ut mixtum cum alio semine generationem efficiat. Scit Diabolus quomodo morbi curari possint, non tamen eos curare ilico potest &c. Excip. (b) licet ex surreptò semine genitos dici filios vel filias eorum unde semen decisum Dæmon surripuit. Diabolus verò, non ipsi, hoc semen applicat Ergo R. hoc petit principium, negamus enim vel quicquam ex istiusmodi semine generari posse. Urges (c) Dæmonem vi quadam posse calorem & Spiritus vitales in semine conservare, ita ut postmodum exindè sequatur effectus. R. (a) Semen extra sua genuina loca statim eos amittere & Corpus Diaboli adsumptum frigidissimum esse evicimus. (b) si itaq; Dæmon Spiritus istos, per vim quandam restaurat, producit novam seminis formam & sic non moralis sed physica causa erit, quod absurdum. Sed ulterius non licet.

Agimus itaq;.

Soli Deo Gloriam!